

VENDIM
Nr. 443, datë 29.6.2022

**PËR DISA SHTESA DHE NDRYSHIME NË VENDIMIN NR. 187, DATË 8.3.2017,
TË KËSHILLIT TË MINISTRAVE, “PËR MIRATIMIN E STRUKTURËS DHE TË
NIVELEVE TË PAGAVE TË NËPUNËSVE CIVILË/NËPUNËSVE,
ZËVENDËSMINISTRIT DHE NËPUNËSVE TË KABINETEVE NË DISA
INSTITUCIONE TË ADMINISTRATËS PUBLIKE”, TË NDRYSHUAR**

Në mbështetje të nenit 100 të Kushtetutës, të pikës 2, të nenit 4, të ligjit nr. 10405, datë 24.3.2011, “Për kompetencat për caktimin e pagave dhe të shpërblimeve”, të pikës 2, të nenit 7, të ligjit nr. 152/2013, “Për nëpunësin civil”, të ndryshuar, dhe të ligjit nr. 9584, datë 17.7.2006, “Për pagat, strukturat dhe shpërblimet e institucioneve të pavarura kushtetuese dhe institucioneve të tjera të pavarura të krijuara me ligj”, të ndryshuar, me propozimin e Kryeministrit, Këshilli i Ministrave

VENDOSI:

1. Në vendimin nr. 187, datë 8.3.2017, të Këshillit të Ministrave, të ndryshuar, bëhen këto shtesa dhe ndryshime:

a) Në pikën 1/3 bëhen shtesat dhe ndryshimet e mëposhtme:

i. Në shkronjën “a”:

- shtohen emërtimet “Autoriteti i Sigurisë Hekurudhore”, “Autoriteti Rregullator Hekurudhor”, “Autoriteti Kombëtar i Investigimit të Aksidenteve, Incidenteve Hekurudhore dhe Detare” dhe “Drejtoria e Ndihmës Juridike Falas”;

- emërtimi “Komandës së Doktrinës dhe Stërvitjes” zëvendësohet me “Akademi të Forcave të Armatosura”;

- emërtimi “Agjencia e Blerjeve të Përqendruara” zëvendësohet me “Agjencia Shtetërore e Prokurimeve të Përqendruara”;

- emërtimi “Drejtoria e Përgjithshme e Thesarit” shfuqizohet;

ii. Në shkronjën “b”:

- emërtimi “Organi Kombëtar i Investigimit të Aksidenteve/Incidenteve Ajrore në Aviacionin Civil” zëvendësohet me “Autoriteti Kombëtar i Investigimit për Sigurinë e Operimit në Aviacionin Civil”;

- emërtimi “Qendrën e Kulturës, Medias dhe Botimeve të Mbrojtjes” zëvendësohet me “Qendrën e Kulturës, Medias dhe Botimeve të Mbrojtjes dhe Muzeun e Forcave të Armatosura”;

- emërtimi “Drejtoria e Ndihmës Juridike Falas” shfuqizohet;

iii. Në shkronjën “c”, emërtesa “Inspektorati Hekurudhor Durrës” dhe emërtimi “Muzeun e Forcave të Armatosura” shfuqizohen.

b) Në shkronjën “b”, të pikës 2, pas fjalëve “... së çdo punonjësi...” shtohen “... apo në mungesë të librezës së punës, me çdo dokument tjetër ligjor të lëshuar nga organet kompetente përkatëse, sipas legjislacionit në fuqi ...”.

c) Në lidhjen nr. 3/3 bëhen këto shtesa:

i. Përpara rreshtit “Drejtor drejtorie” shtohet rreshti, me këtë përmbajtje:

Kancelar	II-a	1
----------	------	---

ii. Pas emërtesës “Këshilltar akademik” shtohet “Këshilltar për Botimet dhe Publikimet Shkencore”.

ç) Pas pikës 4/19 shtohet pika 4/20, me këtë përmbajtje:

“4/20. Në Drejtorinë e Përgjithshme të Arkivave:

a) në masën 10 000 (dhjetë mijë) lekë në muaj, për nëpunësin në pozicionin “Përgjegjës i sektorit të gjuhëve të rralla”;

b) në masën 15 000 (pesëmbëdhjetë mijë) lekë në muaj, për nëpunësit në pozicionet “Specialist të gjuhëve të rralla” (osmanolog, bizantolog dhe latinolog).”.

d) Nënndarja e parë, e pikës 5, ndryshohet, si më poshtë vijon:

“- “Përgjegjës i sektorit të arkivit” dhe “Specialist arkivi”, në Kryeministri, Presidencë, Kuvend, aparatet e ministrive të linjës, në pozicionet “Përgjegjës sektori” dhe “Specialist” në drejtoritë apo sektorët e përmbajtjes në Drejtorinë e Përgjithshme të Arkivave dhe drejtoritë rajonale/vendore të sistemit të arkivave të shtetit, në pozicionet “Përgjegjës sektori” dhe “Specialist arkivi” në sektorin përgjegjës për arkivin në Autoritetin për Informimin mbi Dokumentet e ish-Sigurimit të Shtetit, si dhe në pozicionet “Përgjegjës sektori” dhe “Specialist” në Arkivin Qendror Teknik të Gjeologjisë në Shërbimin Gjeologjik Shqiptar;”.

dh) Lidhja nr. 5/6 zëvendësohet me lidhjen me të njëjtin numër dhe titull, që i bashkëlidhet këtij vendimi dhe është pjesë përbërëse e tij.

e) Në lidhjen nr. 6, pas emërtesës “Kapiten i porteve të kategorisë III-a” shtohet emërtesa “Përgjegjës departamenti në Autoritetin e Sigurisë Hekurudhore”.

ë) Lidhja nr. 6/1 zëvendësohet me lidhjen me të njëjtin numër dhe titull, që i bashkëlidhet këtij vendimi dhe është pjesë përbërëse e tij.

f) Pika 9/6 ndryshohet, si më poshtë vijon:

“9/6. Kategoritë e pagave dhe shtesat për kushte pune të pozicioneve të punës së nëpunësve për emërtesat “Specialist” deri në “Titullar institucioni” (punonjësit civilë) në Shtabin e Përgjithshëm të Forcave të Armatosura, Komandën dhe Shtabin e Akademisë së Forcave të Armatosura, si dhe Qendrën Kombëtare të Kërkim-Shpëtimit janë sipas lidhjes 6/6, që i bashkëlidhet këtij vendimi dhe është pjesë përbërëse e tij.”.

g) Në pikën 9/11 dhe lidhjen 6/11, emërtesa “Agjencinë e Blerjeve të Përqendruara” zëvendësohet me emërtesën “Agjencinë Shtetërore të Prokurimeve të Përqendruara”.

gj) Pika 9/12 dhe lidhja 6/12 shfuqizohen.

h) Në lidhjen 6/17, përpara rreshtit “Përgjegjës sektori në sektorët e përmbajtjes ...” shtohen 2 rreshta, me këtë përmbajtje:

Drejtor drejtorie në drejtoritë e përmbajtjes	III-a	1	18 500
Drejtor drejtorie mbështetës	III-a	1	0

i) Pika 12/2 ndryshohet, si më poshtë vijon:

“12/2. Kategoritë e pagave dhe shtesat për kushte pune të pozicioneve të punës së nëpunësve për emërtesat “specialist” deri në “titullar institucioni” në institucionet e ekzekutimit të vendimeve penale në rrethe janë, sipas lidhjes nr. 9/2, që i bashkëlidhet këtij vendimi dhe është pjesë përbërëse e tij.”.

2. Efektet, që do të rrjedhin nga zbatimi i këtij vendimi, për vitin 2022, të përballohen nga fondet e miratuara për këtë vit për secilin institucion dhe të fillojnë:

a) në momentin e emërimit apo transferimit të nëpunësve në strukturat dhe organikat e reja për Autoritetin e Sigurisë Hekurudhore, Organin Kombëtar të Investigimit të Aksidenteve/Incidenteve Ajrore në Aviacionin Civil, Autoritetin Kombëtar të Investigimit për Sigurinë e Operimit në Aviacionin Civil, Inspektoratin Hekurudhor Durrës, Autoritetin Rregullator Hekurudhor, Autoritetin Kombëtar të Investigimit të Aksidenteve dhe Incidenteve Hekurudhore dhe Detare, Drejtorinë e Përgjithshme të Thesarit, Drejtorinë e Përgjithshme të Burgjeve dhe institucionet e ekzekutimit të vendimeve penale në rrethe, Agjencinë e Blerjeve të Përqendruara, Agjencinë Shtetërore të Prokurimeve të Përqendruara, si dhe Agjencinë për Dialog dhe Bashkëqeverisje;

b) pas hyrjes në fuqi të këtij vendimi, për të gjitha parashikimet e tjera.

Ky vendim hyn në fuqi pas botimit në Fletoren Zyrtare.

ZËVENDËSKRYEMINISTËR
Arben Ahmetaj

Lidhja nr. 5/6

Kategoritë e pagave të pozicioneve të punës së nëpunësve për emërtesat “specialist” deri në “titullar institucioni” në Agjencinë për Dialog dhe Bashkëqeverisje

POZICIONI	KATEGORIA	KRITERI MINIMAL I DIPLOMËS SË SHKOLLËS SË LARTË PËR EFEKT TË PRANIMIT NË POZICIONIN PËRKATËS TË PUNËS PAGA E GRUPIT
Titullar i institucionit	I-b	1
Drejtor drejtorie Koordinator	II-b	1
Koordinator Ndërmjetës Përgjegjës sektori në njësitë teknike të përmbajtjes	III-a	1
Përgjegjës sektori në njësitë mbështetëse	III-a/1	1
Specialist	IV-a	1 ose 2, ose 3
	IV-b	1 ose 2, ose 3

Lidhja nr. 6/1

Kategoritë e pagave dhe shtesat për kushte pune të pozicioneve të punës së nëpunësve për emërtesat “specialist” deri në “titullar institucioni” në Drejtorinë e Përgjithshme të Burgjeve

POZICIONI	KATEGORIA	KRITERI MINIMAL I DIPLOMËS SË SHKOLLËS SË LARTË PËR EFEKT TË PRANIMIT NË POZICIONIN PËRKATËS TË PUNËS PAGA E GRUPIT	SHTESA PËR KUSHTE PUNE
Titullar i institucionit	II-a	1	20.000
Zëvendëstitullar i institucionit	II-b	1	10.000
Drejtor i Drejtorisë së SHKBB-së	II-b	1	15.000
Drejtor drejtorie në Drejtorinë e Përgjithshme të Burgjeve	II-b	1	6.000
Përgjegjës Sektori në Drejtorinë e SHKBB-së	III-a	1	10.000
Përgjegjës Sektori në Drejtorinë e Përgjithshme të Burgjeve	III-a	1	6.000
Përgjegjës Sektori	III-a/1	1	6.000
Specialist/Inspektor në Drejtorinë e Përgjithshme të Burgjeve	III-b	1 ose 2	5.000
Specialist/inspektor në Drejtorinë e SHKBB-së	III-b	1 ose 2	10.000
Specialist në Drejtorinë e Përgjithshme të Burgjeve dhe në SHKBB-së	IV-a	1 ose 2, ose 3	5.000

Specialist	IV-a	1 ose 2 ose 3	0
Specialist	IV-b	1 ose 2 ose 3	0

Lidhja nr. 6/6

Kategoritë e pagave dhe shtesat për kushte pune të pozicioneve të punës së nëpunësve për emërtesat “specialist” deri në “titullar institucioni” (punonjësit civilë) në Shtabin e Përgjithshëm të Forcave të Armatosura, Komandën dhe Shtabin e Akademisë së Forcave të Armatosura, si dhe Qendrën Kombëtare të Kërkim-Shpëtimit

POZICIONI	KATEGORIA	KRITERI MINIMAL I DIPLOMËS SË SHKOLLËS SË LARTË PËR EFEKT TË PRANIMIT NË POZICIONIN PËRKATËS TË PUNËS PAGA E GRUPIT	SHTESA PËR KUSHTE PUNE
Titullar i institucionit	II-a	1	0
Zëvendëstitullar i institucionit	II-b	1	0
Përgjegjës i auditimit të brendshëm	III-a/1	1	0
Përgjegjës/shef sektori shef dege	III-b	1	0
Përgjegjës/shef sektori për sigurinë kibernetike	III-b	1	40.000
Inspektor auditit	III-b	1 ose 2	0
Specialist në Shtabin e Përgjithshëm	IV-a	1, ose 2, ose 3	0
Specialist në Sektorin Special të Sigurisë Kibernetike, në Njësinë Kibernetike	IV-a	1, ose 2, ose 3	100.000
Specialist për Sigurinë Kibernetike	IV-a	1, ose 2, ose 3	40.000
Specialist	IV-b	1 ose 2 ose 3	0

Lidhja nr. 9/2

Kategoritë e pagave dhe shtesat për kushte pune të pozicioneve të punës së nëpunësve për emërtesat “specialist” deri në “titullar institucioni” në institucionet e ekzekutimit të vendimeve penale në rrethe

POZICIONI	KATEGORIA	KRITERI MINIMAL I DIPLOMËS SË SHKOLLËS SË LARTË PËR EFEKT TË PRANIMIT NË POZICIONIN PËRKATËS TË PUNËS PAGA E GRUPIT	SHTESA PËR KUSHTE PUNE
Titullar i institucionit	II-b	1	10.000
Zëvendëstitullar i institucionit	III-a	1	8.000
Përgjegjës sektori të shërbimit social	III-a/1	1	6.000
Përgjegjës sektori	IV-a	1	5.000
Specialist i sektorit të shërbimit social/psikolog/punonjës social	III-b	1 ose 2	5.000
Specialist	IV-b	1 ose 2, ose 3	4.000